



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Caput III.

urn:nbn:de:hbz:466:1-10996

Habitu permutato Monachus factus) Fredegarius Scholasticus cap. 110. ad ann. 747. Carolomannus, inquit, devotionis causa instinctu succensus regnum suum cum Filio suo Drogone manibus Germani sui Pipini committens, ad limina beatorum Apostolorum Petri & Pauli Romam in Monachorum ordine perseveraturus advenit. Fabulosam ejus rei causam insinuat Canonicus S. Augustini, prope Nussiam, Magni Chronici Belgici Collector fol. 34. apud quem etiam legere est, quomodo se in monasterio gesserit. Eandem Historiam late describit Regino Prumiensis Chron. lib. 11. ad ann. 746. Tenuit autem Carolomannus Principatum cum Fratre sex præter propter annos, ab anno nimirum 741. ad 746. juxta Reginonem ac Sigebertum.

C A P U T III.

1. **P**ipinus autem per auctoritatem Rom. Pontificis ex præfecto palatii rex constitutus, cum per xv annos aut eo amplius Francis imperaret, finito Aquitanico bello, quod contra Waifarum, ducem Aquitanie ab eo susceptum per continuos ix. annos gerebatur, apud Parisios morbo aquæ intercutis diem obiit, superstitibus liberis CAROLO & Carolomanno, ad quos successio regni diuino nutu pervenerat. † Franci siquidem factò solenniter generali conventu, ambos sibi reges constituunt, eâ conditione præmissâ, ut totum regni corpus ex æquo partirentur: & CAROLUS eam partem quam pater eorum Pipinus tenuerat, Carolomannus verò eam cui patruus eorum Carolomannus præerat * regendi gratia suscipere. † Susceptæ sunt utrinque conditiones, & pars regni divisi juxta modum sibi propositum ab utroque recepta est, mansitque ista quamvis cum summa difficultate concordia, multis ex parte Carolomanni societatem separare molientibus, adeò ut quidam etiam eos bello committere sint meditati. † Sed in eo plus suspicionis quam periculi fuisse ipse rerum exitus approbavit, cum defuncto Carolomanno, uxor ejus * cum filiis, & quibusdam qui ex optimatum ejus numero primores erant, Italiam fugâ peteret,

* Col. Flor. G

* Ita MS. Reuber. ed. regendam? Nucn. regendum gratia. Malè.

* MS. G. f. lii. cum quibusd.



MS. cons.
Eulis.

refet, & nullis existentibus causis spreto mariti fratre, sub Desyderii regis Longobardorum patrocinium se cum liberis suis * offerret. † Et Carolomannus quidem post 5. administratum communiter biennio regnum, morbo decessit: CAROLUS autem, fratre defuncto, consensu omnium Francorum rex constituitur.

ANIMADVERSIONES

AD CAP. III.

Per auctoritatem Romani Pontificis] Consilium opinor intelligit: quomodo Monachus Egolismensis, *Vita Caroli M. p. 233.* Franci, inquit, cum consilio Domini Papa Zachariae & Nobilium Romanorum, Deo volente, uno consensu & una voluntate elevarunt sibi in Regem Pipinum Pium, Filium Caroli Martelli. Neque interpretationem hanc evertunt eaque *cap. 1.* dixerat, jussu Stephani Papa depositum esse Hildericum. Nam confirmatio illa potius fuerat sententiae Francorum quam *jussio*. Scio his & aliis locis Pontificum adulatorum niti, ut Papae jus & electionis & depositionis Regum vindicent, quemadmodum videre est in Vasquio *illustr. controvers. cap. 8 n. 28.* Bellarm. *lib. v. de Rom. Pontif. cap. 1.* Molina *de iustit. & iur. disput. xxix. §. 30.* aliisque innumeris. Sed horum machinationibus masculè se jam olim opposuere Guilielmus Occam, Marsilius Patavinus, Flacius Illyricus, Goldastus, alique, de quibus infra *ad cap. xxviii.*

Cum per xv. annos, aut amplius, Franci imperaret] Octodecim annos, ac paulò amplius, post ejectionem ad regiam dignitatem, Franci imperasse Pipinum, disertè tradit Ado Viennen. *at. 6. p. 208.* & ante eum Sigebertus ad ann. 750. Quibus praevidere Regino *lib. 11.* Lambert Schaffnaburg. ac Marian. Scotus, qui *ann. 768.* Pipinum obiisse scribunt, mensè, quantum colligo, Septembri, cum ann. 750. ex eorundem relatione ad regnum euectus fuisset. At verò si Annales Fuldenses sequamur, per 16. annos regnasse videbitur Pipinus. Hi enim initium regni ad ann. 752. collocant, quibus consentit Herm. Contractus, licet ann. 15. duntaxat ipse numeret, & Abb. Staden. *ad ann. 752.* Neque difficultatem tollit *Codex Florentinus*, in quo distinctè scriptum *cum per xv. annos & eo amplius Franci solus imperaret.* Neminem enim locum Regni, nisi antequam Rex constitutus esset, habuit Pipinus. Quamobrem aut ab anno 752. hoc est ab unctio Stephani, (quam & supra *l. 1.* respexisse Auctorem dicebamus) ad ann.